



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXI. Gregorii Papae I. Ad Projectam. Gesta inter ipsum & Fantinum
defensorem approbat.

urn:nbn:de:hbz:466:1-15221

EPISTOLA LX.

GREGORII PAPÆ I.

AD FANTINVM DEFENSOREM.

De Iamno Iudæo.

Gregorius Fantino defensori.

INDICAVIT nobis Iamnus Iudæus præsentium portitor, Inauem suam atque res suas Candidum defensorem nostrum cum aliis creditoribus occupasse, atque eas pro credita quam dederat pecunia venumdedisse, & a cunctis debitibus cautionibus restitutis solum apud se præfatum defensorem obligationis chirographum tenuisse, & saepius se supplicantem ideo reddere contempsisse, quia, ut ait, fors est debiti satisfacta: experientia ergo tuae præcipimus, ut cum omni subtilitate curet addiscere; & si ita repererit, disticta compulsione perurge; quatenus omni mora postposita, cautionem prædicti portitoris restituat. Ita ergo sollicitudo tua studeat, ut denuo ad nos hac de causa querela non redeat.

EPISTOLA LXI.

GREGORII PAPÆ I.

AD PROIECTAM.

Gesta inter ipsum & Fantinum defensorem approbat.

Gregorius Proiectæ illuftri.

QVOTIENS in conuentionibus quibusdam noster exceptatur assensus, ne in dubium veniant quæ geruntur, ratio ea pro securitate partium debet habita solidare. Proinde cognoscentes quid inter dilectionem tuam & Fantinum defensorem nostrum ac rectorem patrimonii partium Panormitanarum conuenerit de portionibus tibi competentibus in Massalenas & Samanteria, in prouincia Sicilia, & in territorio Panormitano, & domo in Panormitana ciuitate sita, quam ecclesiæ nostræ dudum titulo donationis obtuleras, nostrum his accommodamus assensum, atque omnia, sicuti inter vos gesta sunt, per huius^{* al. rationis} tui- paginam confirmamus, nec quidquam eorum a nobis successoribusque nostris deduci in irritum profitemur;

quia valde ecclesiasticae est moderationi conueniens, vt
quaꝝ ordinata fuerint vel decisa, nulla in posterum de-
beant refragatione turbari.

EPISTOLA LXII.

GREGORII PAPÆ I.

AD MARTINVM SCHOLASTICVM.

Quod episcoporum causæ magna cum diligentia sunt
perscrutandæ.

Gregorius Martino scholastico.

* ad. cu-
iuslibet

CVM de negotiis* ciuilibus exorta causatio maioris, vt
magnitudini tuaꝝ notum est, requisitionis indigeat;
quanta cura, quantaque vigilantia episcoporum causæ
debeant perscrutari sapientia tua consideret. In ea vero
epistola, quam per latorem præsentium transmisisti, pro
quibus ad nos causis a Clementio fratre & coepiscopo no-
stro transmissus fueris, superficie tenus indicasti, & earum
radicem penitus tacuisti. Quarum si nobis origo vel fu-
set qualitas interius manifesta, quid de his diffiniendum
esset, prædicti fratris nostri animos responsione vtique pa-
tentia ac congrua firmaremus. Illud tamen nobis omnino
displicuit, quod aliquos episcoporum sine primatis sui epi-
stolis ad comitatum profectos esse, vel Conuentus signifi-
cas illicitos celebrare. Sed quia, sicut præfati sumus, cau-
farum origo vel qualitas omnino nobis ignota est, pro-
nuntiare aliquid definitiue non licet nec possumus; ne,
quod reprehensibile nimis est, de rebus non bene cogniti-
nis proferre sententiam videamur. Vnde valde necessa-
rium fuerat, si hic pro plenissima instrucciōne nostra ma-
gnitudo tua nostris interrogationibus responsura, tempo-
re quo in Sicilia dilata est, perrexisset. Sed tamen post-
quam fratrem & coepiscopum nostrum Ioannem vidistis,
in eo & nos vidisse vos credimus. Et ideo quia de eisdem
nobis & ipse causis scribere studuit, ei quaꝝ nobis sunt visa
rescripsimus. Qui quoniam maturi prouidique consilii sa-
cerdos est, si cum ipso causas, pro quibus missus est, tracta-
re volueris, certi sumus quia in eo & quod utile est, &
quod rationem habet, inuenies.